



新唐書糾謬卷第六

而謂崇山學  
聖德尚標尚謂

歲赫

吳綱

纂

六曰官爵姓名謬誤

紀書團練使崔灌而傳乃觀察使崔瓘

天策上將乃書為上將軍

紀云夔璋而傳乃瞿璋

史思明朱泚傳各有敬釭許季常

目錄著王琳而傳乃王琳

封道言名不同

新唐書糾謬卷六

楊岫名不同

王博名不同

梁武孫名誤

嗣郊王戒丕字誤

武德四年封越王元茂誤

信王暄名紀傳不同

昭宗子裕紀書為祐

王茂章悞作彥章

辛雲京官誤

國史

書

不詳圖

書館藏  
齊世宗

一知不足齋叢書

朗陵王父子名皆未明

吳大瓘名不同

楊子琳作楊惠琳二事

以公王字爲封號

程昌裔名不同

張去奢去盈不同

郭潛曜姓不同

南昌公王

張說字誤爲銳字

新唐書糾謬卷六

雍王畢王房各有景誤

范雲仙等官誤

蘇光榮名不同

鹿晏弘名誤

牛勗名不同

魚朝恩傳脫字

李訓仇士良兩傳各載魚弘志名不同

馬舉官及名紀傳不同

盧坦傳誤書吳少誠

范陽王藹名不同

東莞郡公融名不同

袁朗傳袁粲名誤

蘇弘軫名不全

李氏表有知古二名

王琚王同皎等傳周璟名不同

宰相李藩世系表舛誤

仇甫姓不同

蘇定方傳與突厥傳不同

新唐書糾謬卷六

突厥傳季高遷姓誤

突厥傳李靖傳不同

何重霸名紀傳不同

高祖紀書封德彝左僕射誤

唐儉傳誤書官

高祖紀書長孫順德官誤

高祖紀封子爲蜀王名不同

長平王傳薛仁果傳不同

紀書團練使崔灌而傳乃觀察使崔灌

代宗紀大歷五年四月庚子湖南兵馬使臧玠殺其團練使崔瓘

今案崔瓘傳云瓘博陵人以士行脩謹聞累官至禮州刺史大歷中遷湖南觀察使時將吏習寬弛不奉法瓘稍以禮法繩裁之下多怨別將臧玠判官達奚覲忿爭覲曰今幸無事玠曰欲有事耶拂衣去是夜以兵殺覲瓘聞難惶懼走遇害此卽紀所書者而同如此蓋紀誤也

大昕案唐制節度團練諸使多兼本道觀察使

天策上將乃書爲上將軍

新唐書

四知不足齋叢書

褚亮傳云初武德四年太宗爲天策上將軍

今案高祖紀武德四年十月己丑秦王世民爲天策上將領司徒又太宗紀云高祖以謂太宗功高古宜號不足以稱乃加號天策上將領司徒又宰相表云武德四年十月己丑世民加司徒天策上將又唐儉傳太宗曰天策長史不見上將擊賊耶然則其官止是天策上將非上將軍也

紀云瞿璋而傳乃瞿璋

昭宗紀乾寧四年五月壬午朱全忠陷黃州刺史瞿璋

死之

今案楊行密傳云汴將朱友恭勗金率騎兵萬人與張崇戰泗州金敗瞿章守黃州聞友恭至南走武昌柵行密遣將馬珣以樓船精兵助章守友恭次樊港章據險不得前友恭鑿崖開道以彊弩叢射殺章別將遂圍武昌章率軍薄戰不勝友恭斬章拔其壁然則書爲瞿璋者誤也

史思明朱泚傳各有敬釭許季常

史思明傳云思明又遣敬釭擊充鄆又云思明大怒召

新唐書糾謬卷六

五知不足齋叢書

許季常將誅而釋之

今案朱泚僭卽皇帝位以敬釭爲御史大夫許季常京兆尹斯二人名姓皆同然史思明之亂至朱泚建中之變已二十五年矣二人者果存而助亂歟或者姓名偶同歟其誤記歟不可得而知脩史家亦當定其去取也

大昕案季常叔莫子見思明傳中

目錄著王琳而傳乃王琳

目錄第一百三十列女傳有王琳妻章

今案其傳乃王琳妻章也未知孰是

封道言名不同

公主傳高祖女淮南公主下嫁封道言

今案封倫傳乃名言道未知孰是

楊眇名不同

外戚傳楊國忠四子暄眇曉晞又云眇尚萬春公主貴

妃傳亦同其字皆從日

今案公主傳及宰相世系表其眇字皆從月蓋誤也

王搏名不同

王綝傳其孫搏字昭逸

新唐書糾謬卷六

六知不足齋叢書

今案宰相世系表皆作搏未知孰是

梁武孫名誤

宰相世系表內敘梁武孫云統五子歡譽登警贇

今案表內有登字而無登字蓋登當作贇也

嗣郟王戒丕字誤

顧彥暉傳云乾寧四年華洪率眾五萬攻彥暉

王建之將也

取渝昌普三州壁梓州南帝仍遣元諫議大夫李洵諭

止建拒命帝以嗣郟王戒丕鎮鳳翔徙茂貞代建皆不

奉詔

今案本紀乾寧四年六月貶王建爲南州刺史以李  
茂貞爲劔南西川節度使嗣覃王嗣周爲鳳翔隴右  
節度使茂貞不受命嗣周及茂貞戰於奉天敗績況  
嗣覃王嗣周嗣延王戒丕紀傳中載之多矣唯此傳  
乃作嗣鄴王戒丕誤也大昕案兵志昭宗伐李茂貞  
乃用嗣覃王允爲京西招討  
使宦官傳作嗣覃王戒不以本紀考之嗣延王名戒  
丕嗣丹王名允嗣覃王之各當從本紀作嗣周爲是

武德四年封越王元茂誤

高祖紀武德四年四月甲寅封子元方爲周王元禮鄭  
王元嘉宋王元則荆王元茂越王

新唐書糾謬卷六

七知不足齋叢書

今案高祖諸子傳云周王元方武德四年始王與鄭  
宋荆滕四王同封正謂此也今紀內書元茂封越王  
而傳乃是滕王已見差舛而又高祖諸子中無名元  
茂者以是推之實紀誤也當書云元懿滕王爲是況  
傳中自周王元方已下皆有次序載其名故徐康王  
元禮始王鄭韓王元嘉始王宋彭思王元則始王荆  
鄭惠王元懿始王滕凡此皆有根源一一可考而紀  
之所書殊無據依也

信王曄名紀傳不同

懿宗紀咸通元年七月封叔恧爲信十八年十二月信  
王恧薨

今案十一宗諸子傳憲宗二十子無名恧者止有信  
王檀咸通八年薨旣封於信而又薨年與傳相符則  
此信王恧卽檀無疑但紀傳名不同必有悞者

昭宗子裕紀書爲祐

昭宗紀大順二年六月丙午封子祐爲德王

今案昭宗諸子德王名裕不名祐也況乾寧四年立  
爲皇太子時名裕卽可見此誤也

新唐書糾謬卷六

八知不足齋叢書

王茂章誤作彥章

楊行密傳云天祐二年王彥章李德誠拔潤州殺安仁  
義

今案田頽傳云行密遣將王茂章攻潤州又云行密  
使王茂章穴地取潤州參校諸傳當作茂章爲彥章  
者誤也

辛雲京官誤

僕固懷恩傳云史朝義退守莫州於是都知兵馬使薛  
兼訓郝廷玉充鄆節度使辛雲京會師城下

今案肅宗紀云寶應元年寅建卯月癸丑河東軍亂

殺其節度使鄧景山都知兵馬使辛雲京自稱節度

使又代宗紀云廣德元年癸卯正月甲申史朝義自殺

今僕固懷恩傳載雲京等會師於莫州城下正是寶

應元年廣德元年冬春之際又按辛雲京傳雲京自

為河東節度使之後未嘗移鎮卒於太原亦未嘗為

充鄆節度使況雲京新得太原必不敢輕出會師討

賊此蓋誤書也

朗陵王父子名皆未明

新唐書糾謬卷六

九知不足齋叢書

太宗諸子傳蜀悼王愔傳末云子番王武后時謫死

歸誠州神龍初以朗陵王禕子禴嗣

今案朗陵王即鬱林王恪之子也恪亦太宗子恪傳云四

子仁璋琨瓊璋早卒中宗追封朗陵王子袞出繼蜀

王愔由是言之此蜀王傳所云以朗陵王禕子禴嗣

當作以朗陵王璋子袞嗣也況開元中有信安王禕

即琨之子而朗陵之親姪無容與伯父同名以此益

見朗陵王禕當作璋字也然三宗諸子傳內許王素

節傳末云子以嗣蜀王禴為廣漢王以宗室世系表

考之蓋衮本名禴也

### 吳大瓘名不同

柳晟傳云授學於吳大瓘并子通玄

今案吳通玄傳其父乃名道瓘未知孰是

### 楊子琳作楊惠琳二事

劉昌裔傳云八蜀楊惠琳亂昌裔說之惠琳順命拜瀘州刺史署昌裔州佐惠琳死客河朔閒曲環方攻濮州表爲判官爲環檄李納剗曉大詿環上其彙德宗異之今案憲宗紀永貞元年十一月夏綏銀節度畱後楊

### 新唐書糾謬卷六

十知不足齋叢書

惠琳反元和元年三月楊惠琳伏誅自反至伏誅止四五月耳中閒未嘗有順命事此其一也且惠琳之亂在夏州而此傳乃云八蜀說惠琳旣順命拜瀘州刺史地里全不相屬此其二也旣惠琳死乃與曲環檄李納而環上其彙於德宗案德宗紀建中二年八月平盧節度使李正己卒子納自稱畱後貞元八年五月平盧節度使李納卒子師古自稱畱後皆德宗之世也至憲宗世惠琳反時平盧節度使乃李師古而納死已久矣時又不相值此其三也曲環自建中

三年爲邠隴節度其後改陳許至貞元十五年卒當  
惠琳反時環死已久矣無復與李納攻戰事此其四  
也且曲環攻李納時乃德宗之初而惠琳反在憲宗  
之初相距二十四五年曲環又已死何緣先述惠琳  
死然後方及曲環攻檄李納事如此則顛倒錯亂無  
復次序此其五也由此觀之此非楊惠琳乃楊子琳  
也案代宗紀大歷三年七月瀘州刺史楊子琳反陷  
成都劔南節度畱後崔寬敗之克成都子琳殺夔州  
別駕張忠又案崔寧傳云寧攻郭英又英又走靈池  
爲韓澄所殺於是劔南大擾楊子琳起瀘州討寧詔  
宰相杜鴻漸爲西川節度使往平其亂鴻漸入成都  
乃表子琳爲瀘州刺史以和解之又數薦寧朝廷因  
授寧西川節度使大歷三年寧入朝楊子琳襲取成  
都帝乃遷寧於蜀未幾子琳敗子琳者本瀘南賊帥  
旣降詔隸劔南節度屯瀘州杜鴻漸表爲刺史寧入  
朝畱弟寬守成都子琳乘閒起瀘州以精騎數千襲  
據其地寬戰力屈寧委任素驍果卽出家財募士設  
部隊自將以進子琳大懼會糧盡且大雨引舟至延

乘而去收餘兵松江而下諸刺史震慄備餼牢以饗  
士遇黃草峽守捉使王守仙伏兵五百子琳前驅至  
悉禽之遂入夔州殺別駕張忠城守以請臯朝廷以  
其本謀近忠故授峽州刺史移澧州鎮遏使後歸朝  
賜名猷此乃楊子琳亂蜀之本末正與代宗本紀相  
符又與昌裔傳時世事狀相應蓋舊史止書爲楊琳  
而脩新史者遂誤以爲惠琳故其時世年月皆參錯  
顛倒前後不合以子琳考之則與紀傳年世事理皆  
符同其誤昭然矣今新書誤以子琳爲惠琳處凡二

新唐書糾謬卷六

三知不足齋叢書

此劉昌裔并戴叔倫傳其誤皆同也

戴叔倫傳云師事蕭穎士爲門人冠劉晏管鹽鐵表主  
運湖南至雲安楊惠琳反馳客劫之曰歸我金幣可緩  
死叔倫曰身可殺財不可奪乃捨之嗣曹王臯領湖南  
江西表在幕府

今案劉晏傳略云代宗立領度支鹽鐵轉運鑄錢等  
使拜吏部尚書平章事使如故罷爲太子賓客領東  
都河南江淮轉運租庸鹽鐵常平使代宗紀云廣德  
元年癸卯正月癸未京兆尹劉晏爲吏部尚書平章事

二年甲辰正月罷憲宗紀云永貞元年乙酉十一月夏綏

銀節度雷後楊惠琳反元和元年丙戌三月楊惠琳伏

誅曹王臯傳臯以建中元年庚申為湖南觀察使李希

烈反建中三年壬戌歲十月也為江西節度使由此推之劉晏之

管鹽鐵今且以廣德元年癸卯為始至永貞元年乙

酉已四十二年矣雖曹王臯為江西節度使之時自

廣德癸卯計之至建中壬戌亦二十年豈有主運而

四十二年不罷之理且叔倫主運在代宗初而惠琳

反在憲宗初此時不相值一也惠琳之反在夏州而

新唐書糾謬卷六  
三知不足齋叢書

叔倫主運在湖南雲安地里聲勢何由相接此地不

相近二也以此見決非楊惠琳明矣案代宗紀大歷

三年七月壬申瀘州刺史楊子琳反陷成都劔南節

度雷後崔寬敗之克成都子琳殺夔州別駕張忠又

崔寧傳敘子琳自成都敗收餘兵泂江而下遂入夔

州城守以請朝廷授峽州刺史其本末與叔倫傳相

應且正當代宗之初劉晏管鹽鐵之際此蓋亦楊子

琳而誤為惠琳也

以公主字為封號

楊貴妃傳云每命婦入班持盈公主等皆辭不敢就位  
今案諸公主傳睿宗女玉真公主字持盈外不見有  
封持盈者夫以公主之字而遂爲封號稱之可乎就  
使當日時俗所稱然史家亦當考正之也

程昌裔名不同

楊貴妃傳云十載正月望夜妃家與廣寧主僮騎爭闖  
門鞭挺讎競主墜馬僅得去主見帝泣乃詔殺楊氏奴  
貶駙馬都尉程昌裔官

今案公主傳乃程昌胤也未知孰是

新唐書糾謬卷六

大昕案此宋人避諱改作裔字  
齒知不足齋叢書

公主傳偶未及改  
所謂史駁文也

張去奢去盈不同

公主傳玄宗女常芬公主下嫁張去奢

今案肅宗張皇后傳其尙常芬公主乃張去盈非去  
奢也未知孰是

郭潛曜姓不同

公主傳玄宗女臨晉公主下嫁郭潛曜

今案孝友傳乃鄭潛曜而其父萬鈞亦尙代國公主  
證據甚明爲郭姓者誤也

南昌公主

公主傳高祖女南昌公主下嫁蘇勗

今案蘇勗傳乃云南康公主未知孰是

張說字誤爲銳字

禮樂志開元十四年通事舍人三品上疏請刪去禮記舊文而益以今事詔付集賢院議學士張說以爲禮記不刊之書去聖久遠不可改易而唐貞觀顯慶禮儀注前後不同宜加折衷以爲唐禮乃詔集賢院學士右散騎常侍徐堅左拾遺李銳及太常博士施敬本撰述歷年未就而銳卒蕭嵩代銳爲學士奏起居舍人王仲丘撰定爲一百五十卷是爲大唐開元禮

新唐書糾謬卷六

十五知不足齋叢書

今案藝文志開元禮一百五十卷注云張說請修貞觀永徽五禮爲開元禮命賈登張烜施敬本李銳王仲丘陸善經洪孝昌撰集蕭嵩總之又案張說傳說爲集賢院學士知院事常典集賢圖書之任開元十

八年卒又案蕭嵩傳嵩以開元十四年以兵部尚書

領朔方節度使徙河西節度使

大昕案當是十五年

以破吐蕃

功授同中書門下三品

大昕案本紀是開元十六年事

十七年進兼

中書令自張說罷宰相令缺四年嵩得之又案玄宗紀開元十一年四月張說爲中書令十四年四月罷十七年六月蕭嵩兼中書令以是言之方初脩開元禮之時卽張說總領至十八年說卒卽蕭嵩總之蓋皆以見任宰相或舊相總之也況蕭嵩名位素崇當開元十四年已爲兵部尙書節度使而李銳乃其屬官嵩豈容下與銳爲代乎此蓋是說卒嵩代說爲學士而誤以說爲銳於是義理皆不明也

雍王畢王房各有景誤

新唐書卷六

六知不足齋叢書

宗室世系表雍王繪之曾孫有盧國公相州刺史景誤今案畢王璋之曾孫亦有蔡國公景誤此二人止是三從昆弟耳無緣如此同名按江夏王道宗傳云大案道宗畢王璋之孫也子景恆封盧國公相州刺史然則雍王房之景誤非也當爲景恆而封盧國

范雲仙等官誤

武后本紀云長壽二年一月殺內常侍范雲仙三月殺白潤府果毅薛大信

今案后妃傳則云監門衛大將軍范雲仙白潤府果

毅薛大信未知孰是

大昕案后妃傳作白澗地地理志晉州澤州俱有白澗府武后紀

作白澗誤

### 蘇光榮名不同

孟元陽傳云韓全義敗五樓列將多私去獨元陽與神策將蘇元策以所部屯澱水

今案韓全義傳云討吳少誠而師皆潰退保五樓賊

移屯逼之乃與監軍英秀

大昕案藩鎮傳作賈秀英

等保澱水不

能固又入屯陳州是時唯陳許將孟元陽神策將蘇

光榮守澱水又吳少誠傳亦云神策將蘇光榮而韋

新唐書糾謬卷六

七知不足齋叢書

弘景傳亦有蘇光榮者為涇原節度使然則名光榮

者是而為元策者誤矣

### 鹿晏弘名誤

田令孜傳云復光部將鹿景弘

今案下文及僖宗紀中和三年皆曰晏弘然則此景

弘字誤也

大昕案今本唐書作晏

### 牛勗名不同

田令孜傳云復光部將鹿景弘王建等以八都衆二萬取金洋等州進攻興元節度使牛瑱奔龍州晏弘自稱

留後

今案僖宗紀中和三年十二月忠武軍將鹿晏弘逐  
興元節度使牛勗自稱留後紀以為勗傳以為瑀未  
知孰是

魚朝恩傳脫字

魚朝恩傳云以左監門衛軍知內侍省事

今案監門衛軍疑不成號當是將軍也

大昕案今本有將字

李訓仇士良兩傳各載魚弘志名不同

李訓傳云顧中尉仇士良魚志弘等仇士良傳云志弘

新唐書糾謬卷六

大知不足齋叢書

右衛上將軍兼中尉

今各以本傳上下文考之如李訓傳云弘志使偏將  
攻之士良傳云與右神策軍中尉魚弘志挾帝還宮  
又云與弘志議更立又云弘志韓國公又云士良弘  
志憤文宗與李訓謀又云禍原於士良弘志又案武  
宗紀亦書為魚弘志然則其人名弘志審矣而傳或  
書為志弘使後世何所取信乎

大昕案今本士良傳並作弘志

馬舉官及名紀傳不同

懿宗紀咸通九年龐勳反十二月前天雄軍節度使馬

舉爲南面招討使泰寧軍節度使曹翔爲北面招討使  
今案康承訓傳云詔以馬士舉爲淮南節度使南面  
行營諸軍都統以隴州刺史曹翔爲兗海節度北面  
都統招討使與本紀所書名及官號有不同又案令  
狐綯傳馬舉本左衛大將軍遂代綯爲南面招討使  
亦不言爲前天雄節度使且又一名舉一名士舉莫  
知孰是

大昕案方鎮表昭宗乾寧四年賜  
沂海節度使爲泰寧軍節度使

### 盧坦傳誤書吳少誠

盧坦傳云坦爲東川節度使初坦與宰相李絳議多協

### 新唐書糾謬卷六

十九知不足齋叢書

坦出半歲而絳罷吳少誠之誅詔以兵二千屯安州

今案李絳罷相在元和九年二月則坦之出鎮東川  
乃八年秋冬之交也又案憲宗紀元和四年十一月  
彰義軍節度使吳少誠卒其弟少陽自稱畱後九年  
閏八月彰義軍節度使吳少陽卒其子元濟自稱知  
軍事是後始相繼命將誅討然當元和八年九年則  
少誠之卒已久朝廷未嘗有誅少誠之事今此云吳  
少誠之誅誤矣當云吳元濟之誅也

### 范陽王諱名不同

魯王靈夔傳云子藹爲范陽王宗室世系表亦同

今案本紀垂拱四年九月殺范陽郡王藹藹同  
未知孰是

東莞郡公融名不同

號王鳳傳云次子茂融宗室世系表亦同

今案邢文偉傳云東莞公融本紀垂拱三年

大昕案垂拱三年

年當作四年亦作東莞郡公融皆無茂字未知孰是

袁朗傳袁粲名誤

袁朗傳云自滂至朗凡十二世其閒位司徒司空者四

新唐書糾謬卷六

二十知不足齋叢書

世淑顓察皆死宋難昂著節齊梁時

今案袁朗之先仕宋而死於國難者有淑顓察二人

然未嘗有名察者則此言察乃粲字之誤也

蘇弘軫名不全

日從讜傳云河東節度使康傳圭遣大將伊釗張彥球

蘇弘軫引兵拒沙陀戰數負傳圭斬軫以徇

今案上文云弘軫而下文止云斬軫卽不知軫姓蘇

弘邪或脫誤邪

李氏表有知古二名

遼東李氏世系表內兩世之間有名知古者二人必有誤者

王琚王同皎等傳周璟名不同

王琚傳云琚義其爲卽與周璟張仲之等共計

今案王同皎武三思傳皆作周憬未知孰是

宰相李藩世系表脫誤

宰相世系表李氏南祖表內有承爲山南東道節度使弟名暉子名潘

今案本表之末注云南祖宰相有藩又李藩傳云其

新唐書糾謬卷六

王知不足齋叢書

先趙州人父承仕爲湖南觀察使藩相憲宗而李承傳云趙州高邑人幼孤其兄暉養之仕歷山南東道節度使終於湖南觀察使此卽李暉李承李藩之世次今且據傳爲正傳稱兄暉養之今表中暉乃爲承之弟其誤一也藩旣承之子今表止作潘其誤二也藩相憲宗以例當有相憲宗字而此不載顯是脫漏其誤三也

仇甫姓不同

藝文志雜史類中鄭言平剡錄一卷注云裘甫事

今案懿宗本紀咸通元年正月浙東人仇甫反命安南經略使王式爲浙江東道觀察使以討之八月己卯仇甫伏誅王式傳亦作仇甫唯藝文志作裘甫未知孰是

蘇定方傳與突厥傳不同

蘇定方傳云俟斤嬾獨祿擁衆萬帳降

今案西突厥傳以爲嫩獨祿未知孰是

突厥傳季高遷姓誤

突厥傳云武德八年頡利攻靈朔於是張瑾兵屯石嶺

新唐書糾謬卷六

三三 不足齋叢書

季高遷屯太谷

今案突厥傳云武德五年進擊忻州爲季高遷所破又季高遷自有傳則此爲季字者誤也

大昕案今本唐書作季

突厥傳李靖傳不同

突厥傳頡利子疊羅支

今案李靖傳作疊羅施未知孰是

何重霸名紀傳不同

武宗本紀開成五年十一月魏博節度使何進滔卒其子重霸自稱畱後

今案進潛傳其子乃名重順未知孰是。

高祖紀書封德彝左僕射誤

高祖本紀武德九年七月癸巳封德彝爲尚書左僕射  
今案宰相表乃是右僕射況是月辛卯方命蕭瑀爲  
左僕射至此止隔兩日爾而德彝本傳亦止云拜右  
僕射且云是時瑀爲左僕射然則德彝此拜實右僕  
射而高祖紀書爲左則誤也

唐儉傳誤書官

唐儉傳云武德初進內史舍人遷中書侍郎爲劉武周  
新唐書糾謬卷六  
三知不足齋叢書

所虜

今案高祖紀云武德二年內史侍郎唐儉討劉武周  
又永安王孝基及獨孤懷恩傳皆云內史侍郎又百  
官志云武德三年改內書省曰中書省內書省曰中  
書令然則儉在武德二年則當止是內史侍郎未合  
書爲中書侍郎也

高祖紀書長孫順德官誤

高祖紀武德四年左驍騎衛大將軍長孫順德  
今案十六衛止有驍衛未嘗有驍騎衛又案突厥傳

亦止云左驍衛大將軍長孫順德然則此騎字實衍字也

高祖紀封子爲蜀王名不同

武德六年四月壬申封子元璿爲蜀王元慶漢王至八年十二月辛丑徙封元璿爲吳王元慶陳王

今案子名元璿而封蜀王使民吏若何稱之雖璿字亦有壽音然恐難戶曉終似未安其可疑者一也又案此高祖子也徧尋本傳則二十八竝無名元璿者此可疑者二也案霍王元軌傳高武德六年始王

新唐書糾謬卷六

三四卅不足齋叢書

蜀與幽漢二王同封後徙吳與此高紀所書封徙皆同又云貞觀十年徙霍王今以紀考之武德六年王蜀及八年徙封吳者皆名元璿而貞觀十年徙封霍者則名元軌然則元軌初名元璿後改爲元軌歟若然則是傳漏載其改名一事矣至於名璿而封蜀一

事訖未可曉或者止名元軌而高紀誤以爲元璿乎設若果誤載則又安得六年八年皆誤歟此二者雖不可得而考然要之元璿元軌在紀傳不脫則誤必有一者矣

又案舊唐書紀武德六年雖不載元璿初封蜀王等事然八年亦書云十一月改封

蜀王元軌爲吳王其名止是元軌不作元禧  
已自與新書不同由是觀之疑新書之誤也

長平王傳薛仁杲傳不同

長平王叔頁傳云薛仁杲內史翟長孫以衆降又云委  
事於長孫乃克安

今案薛仁杲傳作內史令翟長孫未知孰是

新唐書糾謬卷第六

新唐書糾謬卷六

妄知不足齋叢書

新唐書糾謬卷第七

咸林 吳 縝 纂

七曰世系鄉里無法

稱引父祖子孫別傳例

王方慶瓊

李吉甫德裕

徐文遠有功

劉迺伯芻

張薦又新

柏良器者

盧懷慎奕杞元輔

稱引旁支遠裔別傳例

新唐書糾謬卷七

一知不足齋叢書

崔日用良佐

李邕鄘

崔玄暉戎

嚴震礪

陸贄辰

令狐德棻楚

父祖子孫別傳蓋尚當書而不書者

李素立李承李藩

孟簡傳

陸長源傳

李景讓為澄孫又似曾孫

張鎰為後胤五世孫又似曾孫

袁朗鄉里

崔行功鄉里

嘗見前史所載凡父祖子孫同書而別傳者必各於其傳中略相稱引其官及名或所仕之朝及鄉里世系之次以見其家世所承善惡曉然相屬不絕非獨使覽者易於考見亦所以示獎勸而爲風教之助也自遷固以來此法未之有改若不略加敘述則其子孫屬不復聯殆如路人後世必有疑之者故昔人嘗有以蕭望之爲何之宗者而注家深明其不然以爲史所不述後人安從而知之是蓋後世唯史之信捨史則不敢以爲據故

新唐書糾謬卷七

二知不足齋叢書

也秉史筆者其可不重其事而忽之乎今之新書此例雖不敢廢然而爲法不一其門亦有當書而不書者儻後世考尋而不得其說必不免有二蕭之疑則其爲史氏之病豈小哉且又其閒有雖旁宗別派而猶時有敘述者若其父祖子孫世系相承皆有聲迹列於諸傳安可不明加稱引使後人開卷而可見乎今略取新書所述父祖子孫或旁支遠裔雖別傳而互相稱引得前史之體者及有爲法不一當書而不書者條列左方以見其未有定式云

新書稱引父祖子孫別傳例

王方慶傳末云六世孫璵別傳

王璵傳云方慶六世孫

李吉甫傳末云次子德裕自有傳

李德裕傳云元和宰相吉甫子也

徐文遠傳云孫有功自有傳

徐有功傳云國子博士文遠孫也

劉迺傳云子伯芻別傳

劉伯芻傳云兵部侍郎迺之子

新唐書糾謬卷七

三知不足齋叢書

張薦傳末云子又新別有傳

張又新傳云工部侍郎薦之子

柏良器傳末云子耆別傳

柏耆傳云父良器爲時威名將

盧懷慎子奕奕子杞杞子元輔其傳各相稱引世

次歷然可見如此者甚多難以徧舉今粗條

數傳如右以見例例旣如是則餘人當從一

法也

新書稱引旁支遠裔別傳例

崔日用傳云滑州靈昌人

崔元翰傳云父良佐與齊國公日用從昆弟也

李邕傳云揚州江都人

李鄴傳云北海太守邕之從孫

崔玄暉傳云博陵安平人

崔戎傳云玄暉從孫也

嚴震傳云梓州鹽亭人

嚴礪傳云震從祖弟也

新唐書尉繚卷七

四知不足齋叢書

陸贄傳云蘇州嘉興人

陸扆傳云宰相贄族孫

令狐德棻傳云定州華原人

令狐楚傳云德棻之裔也

新書父祖子孫別傳以例當書而不書者

李素立李承李藩傳

李素立傳云趙州高邑人

李承傳云趙州高邑人

李藩傳云其先趙州人父承仕爲湖南觀察使有名於

時

今案素立生休烈休烈生至遠至遠生畚畚生承承生藩自素立至藩六世皆有名迹別爲三傳而曾無一語相敘述以爲父某祖某子某別有傳雖藩傳云父承仕爲湖南觀察使有名於時然終不明言見於別傳必不免後人之疑也

孟簡傳

孟簡德州平昌人曾祖詵武后時同州刺史

今案孟詵在隱逸傳自傳云汝州梁人也然則平昌

新唐書糾謬卷七

五知不足齋叢書

孟氏之望而梁貳所居之地今簡傳既不本汝州梁之所居而但書其望又不於詵字下云見隱逸傳止云武后時同州刺史則似簡與隱逸傳之孟詵殊非親屬矣

陸長源傳

陸長源者吳人字泳祖餘慶天寶中爲太子詹事有清

譽

今案餘慶在陸元方傳後自有傳今長源傳不言其別傳則其失與李承孟簡傳同也

李景讓爲愷孫又似曾孫

李彭傳云從天子入蜀後愷數年卒

彭即愷之子也

有孫景讓

景莊景溫別傳

今案李景讓傳云景讓贈太尉愷孫也然以彭傳言之則似景讓等乃彭之孫而愷之曾孫也在景讓傳則云愷孫頗爲難明矣

張鎰爲後胤五世孫又似曾孫

張鎰傳云國子祭酒後胤五世孫也父齊丘朔方節度使東都畱守

新唐書糾謬卷七

六知不足齋叢書

今案後胤傳末云孫齊丘歷監察御史朔方節度使終東都畱守子鎰別有傳以後胤傳言之則鎰乃後胤之曾孫非五世孫也

袁朗鄉里

袁朗傳云其先雍州長安人父樞仕陳爲尙書左僕射

今家朗之先出於後漢司徒滂而後漢靈帝紀光和

元年二月癸丑光祿勳陳國袁滂爲司徒

滂字公喜魏志字公

熙此袁滂爲陳國人而初見於漢史甚明者也至其

子渙仕魏爲郎中令本傳亦云陳郡扶樂人至渙曾

孫瓌仕東晉本傳亦云陳郡陽夏人瓌族孫湛仕宋  
本傳亦云陳郡陽夏人其後湛之一族如淑洵濯顛  
顛粲昂彖君正敬憲樞朗凡累世皆仕江左無入北  
爲官者至陳亡朗始仕隋耳故昂嘗自稱陳國賤男  
子然則朗之先世皆本諸陳國未嘗遷徙今新史乃  
云其先雍州長安人未審自何得之豈非失其實歟  
且自後周平江陵隋平建鄴南朝士人過江而北仕  
者衆矣故唐初此族尙多如殷開山虞世南褚亮姚  
思廉王方慶顏師古陸德明之徒皆是也而新書皆  
悞矣

崔行功鄉里

崔行功傳云恆州井陘人兄子玄暉別有傳

今案玄暉傳則云博陵安平人二者不同未知孰是  
又案宰相世系表崔損亦行功族也而損傳亦云系  
本博陵無乃博陵者是耶或者系望博陵而實則恆  
州耶不可得而知然史家止當考案從一不可二者  
皆存而無辯也

新唐書糾謬卷第七

新唐書糾謬卷七

八知不足齋叢書

新唐書糾謬卷第八

咸林 吳 纘 纂

八曰尊敬君親不嚴

楊隆禮嘗避諱改名而傳不載

誕節名及上壽儀紀傳皆不載

裴守真耀卿傳次序

楊隆禮嘗避諱改名而傳不載

楊慎矜傳云父隆禮歷任刺史善檢督吏以嚴辦自名  
開元初爲太府卿任職二十年年九十餘以戶部尚書

新唐書糾謬卷八

一 刑不足爲蔽書

致仕卒

今案宰相世系表載隆禮爲崇禮此蓋隆禮以開元  
時避明皇帝諱以崇易隆理亦當然而史家遺落其  
事止書舊名此其失也或者謂此乃史之小疵亦不  
足云愚以爲不然夫史之作豈獨止於勸懲而已哉  
其筆削取舍必使後世有考焉方開元時君父旣名  
隆矣爲臣子者亦名隆而無所遷避豈尊君嚴上之  
謂哉今隆禮旣嘗易名而史不載使後世不知者或  
歸罪於隆禮或遂援之以爲說此實史氏之深責豈

止小疵而已哉況韋思謙嘗避諱而以字行王紹陸質亦嘗避諱改名而史皆載於傳以例言之則隆禮之傳其失昭然矣

誕節名上壽紀傳皆不載

禮樂志云千秋節者玄宗以八月五日生因以其日名節而君臣共爲荒樂當時流俗多傳其事以爲盛其後巨盜起陷兩京自此天下用兵不息而離宮苑圍遂以荒堙獨其餘聲遺曲傳人閒聞者爲之悲涼感動蓋其事適足爲戒而不足考法故不復著其詳自肅宗以後皆以生日爲節而德宗不立節然止於羣臣稱觴上壽而已

新唐書糾謬卷八

一知不足齋叢書

今案唐會要云開元十七年八月五日左丞相源乾曜右丞相張說等表請以是日爲千秋節著之甲令羣臣常以是日獻萬壽酒又憲宗元和十五年七月詔云朕誕辰奉迎皇太后宮中上壽又文宗大和七年慶成節是日上於宮中奉迎皇太后宴樂羣臣詣延英門上壽是蓋人主因其誕辰感其親生育劬勞之恩不敢同之常日於是爲之宴樂以致其愛敬之

心焉爲臣子者又喜其君父生於是日願其享無疆之祚亦相率奉觴獻壽以致其祝延之誠焉是皆出於臣子之情而飾以禮文故後世不可得而廢者也是以累朝沿襲未之有改且上壽之禮尙矣古人每有吉慶喜樂之事則上壽於君親以致其誠意經所謂稱彼兕觥萬壽無疆則其比也如漢高祖車千秋東方朔止偶因一事而猶且爲之況當君親誕育之日臣子若恬如平時不少致其誠敬則人情禮意其可安乎由是言之因誕日立節名上壽酒亦臣子奉君親之禮耳未可遽削而不著也且天寶之亂盜起兵興而唐遂衰其所以召之者蓋有由矣刑政乖戾而任用匪人也非以立千秋節也使當時不立節名不上壽不宴樂亦未免乎盜起而唐衰也其後肅宗文宗以至武宣懿僖昭哀八朝各嘗立誕節名亦不聞其召亂迫其亡也亦不自誕節起然則史之所書使後世可以爲戒者在乎刑政之得失任用之賢否爾立誕節而上壽宴樂以致臣子之情禮者非所以爲戒也徒使後世有司欲考按故事則返區區乎求

之於他書是未可謂善爲史者也又案唐會要自肅宗以後有代德順憲穆敬六朝皆不立誕節名今志以爲獨德宗不立亦未知其孰是

裴守真耀卿傳次序

今案裴耀卿守真之子也而耀卿傳居第五十二卷守真傳居第五十四卷次序如此於義無乃未安歟

新唐書糾謬卷第八

新唐書糾謬卷八

新唐書糾謬卷第九

咸林 吳 嶺



九日記志表傳不相符合

百官志太宗定內外官數與曹確傳不同

天平軍節度使姓名次序紀傳不同

劉總納土其州名不同

宋璟傳載東巡泰山之年與紀不同

李光弼傳平袁晁年月與紀不同

程知節爲慈山道總管與紀不同

新唐書糾謬卷九

一知不足齋叢書

桓彥範傳中宗復位日與紀不同

宰相世系表蘇瓌字與傳不同

崔龜從傳其官與本紀不同

郭正一傳爲相之年并其事與紀志不同

流敬暉處紀表與傳不同

杜元穎爲相至罷紀傳各不同

孫處約爲相其官名紀傳不同

岑羲命相之官紀傳不同

李吉甫傳星變紀志不載

乾符五年五月風雹事紀志不同  
垂拱二年新豐慶山事紀志不同

侯君集傳岑文本官不同

褚遂良貶官紀傳不同

柳璨官本紀與表傳不同

畢王璋子韶世系未明

搖山玉彩字

元結猗玕子

員俶年齒差誤

新唐書糾謬卷九

蕭穎士

李素立世系不同

崔沔傳

王方慶傳與表不同

睿祖名紀傳不同

崔行功祖表傳不同

德宗紀與李懷光傳不合

李揆世次表傳不同

袁滋子均等

崔祐甫立後

竇懷貞官名與紀不同

蘇味道拜官紀傳不同

韋巨源傳州名與紀不同

李進賢被逐紀傳不同

蕭至忠父引官悞

蘇瓌蘇震世次不明

韓休父兄

劉瞻入相

新唐書糾謬卷九

王珣傳年與紀不同

脩搖山玉彩人不同

蕭俛爲僕射表傳不同

鄧康王徙封紀傳不同

兩土紀志月不同

韓王更封紀傳年不同

武德時地震紀志月不同

貞觀時地震紀志日不同

石然紀志月不同

李勣等征遼東宰相表日悞

薛萬徹官及高麗城名紀傳不同

百官志太宗定內外官數與曹確傳不同

百官志云初太宗省內外官定制為七百三十員曰吾以此待天下賢材足矣

今案曹確傳云太宗著令文武官六百四十三謂房

喬曰朕設此待天下賢士此與百官志所載語意同

而數不同未知孰是

天平軍節度使姓名次序紀傳不同

新唐書尉繚卷九

四知不足齋叢書

僖宗紀乾符二年乙未六月濮州賊王仙芝尙君長陷曹

濮二州四年丁酉三月窺句賊黃巢陷鄆沂二州天平軍

節度使薛崇死之五年戊戌二月王仙芝伏誅是歲天平

軍節度使張勣卒牙將崔君裕自知州事六年己亥淄州

刺史曹全最克鄆州殺崔君裕廣明元年庚子六月辛酉

天平軍節度使曹全最為東面副都統中和二年壬寅十

月魏博節度使韓簡寇鄆州天平軍節度使曹全最死

之部將崔用自稱畱後三年癸卯天平軍將曹存實克鄆

州四年甲辰七月壬子黃巢伏誅是歲濮州刺史朱宣逐

天平軍節度使曹存實自稱畱後

今案朱宣傳云宣爲王敬武青州牙軍黃巢亂敬武遣將曹存實率兵西入關宣爲軍候道鄆州是時節度使薛崇拒王仙芝戰死其將崔君裕攝州事存實揣知兵寡襲殺之遂稱畱後宣以功署濮州刺史畱總帳下兵中和初魏博韓簡東窺曹鄆引兵濟河存實迎戰死於陳宣收殘卒嬰城簡圍之六月不能拔引去僖宗嘉其守拜天平軍節度使然則以本紀言之天平軍節度使自乾符四年丁酉至中和四年甲

新唐書糾謬卷九

五知不足齋叢書

辰凡八年歷薛崇張禡崔君裕曹全晷崔用曹存實朱宣七帥也以朱宣傳言之卽自薛崇崔君裕曹存實至於朱宣止四帥而已此其大槩俱已不同至於紀稱黃巢陷鄆州而薛崇死傳云薛崇以拒王仙芝戰死一不同也紀稱節度張禡卒牙將崔君裕自知州事傳云薛崇戰死君裕卽攝州事二不同也紀稱曹全晷克鄆州殺崔君裕傳云曹存實襲殺君裕三不同也韓簡寇鄆州而曹全晷死傳乃云韓簡寇鄆存實迎戰而死紀稱朱宣逐存實而自稱畱後傳乃

云存實與韓簡戰死宣嬰城而簡不能拔乃拜節度

使其舛謬至於如此豈可以垂之後世乎

大昕案通鑑中和元年

年十月天平節度使南面招討使曹全晟與賊戰死軍中立其兄子存實為畱後二年五月以天平畱使曹存實為節度使十月韓簡復引兵擊鄆州節度使曹存實逆戰敗死天平都將朱瑄帥朱收餘眾嬰城拒守簡攻之不下詔以瑄權知天平畱後又考異云實錄曹存實繼其叔父全晟為天平節度使未周歲而遇害又五代史朱宣傳宣事青州節度使王敬武為軍校隸其將曹全晟中和二年敬武遣全晟入關與破黃巢還過鄆州鄆州節度使薛宗卒其將崔君預自稱畱後全晟攻殺君預遂據鄆州宣以戰功為鄆州馬步軍都指揮使已而全晟死軍中推宣為畱後全晟即全晟也晟最音相同

### 劉總納土其州名不同

新唐書劉謬卷九

六知不足齋叢書

崔植傳云時朝廷悉收河朔三鎮而劉總又以幽薊七

州獻諸朝

今案穆宗紀長慶元年二月己卯劉總以盧龍軍八

州歸於有司三月丁巳赦幽涿檀順瀛莫營平八州

死罪以下給復一年賜盧龍軍士錢又案溫造傳云

長慶初為幽鎮宣諭使至范陽劉總郊迎造為開示

禍福總懼由是籍所部九州入朝而劉總傳云總上

疏願奉朝請且欲割所治為三以幽涿營為一州請

張弘靖治之瀛莫為一府盧士玫治之平薊嬀檀為

一府薛平治之然則劉總所歸之地在崔植傳則七  
州在本紀則八州在溫造劉總傳則九州以本紀及  
劉總傳州名參考之則十州幽涿檀順瀛  
莫營平媯薊其舛駁至  
於如此未知何者爲是且唐人著書多謂天下視河  
北得失以爲朝廷治亂重輕則其於當時所繫亦大  
矣而史臣記述乃爾使後學無所考信是誠可罪也  
哉

宋璟傳載東巡泰山之年與紀不同

宋璟傳云十二年東巡泰山璟復爲畱守

新唐書纂要卷九

七知不足齋叢書

今案本紀開元十二年無東巡泰山事其東巡封泰  
山乃十三年十月也

李光弼傳平袁晁年月與紀不同

李光弼傳云浙東賊袁晁反台州建元寶勝以建丑爲  
正月殘剽州縣光弼遣麾下破其衆於衢州廣德元年  
遂禽晁浙東平二年光弼薨

今案代宗紀寶應元年八月辛未台州人袁晁反木

月癸卯陷信州十月乙卯陷溫明二州十二月甲戌

李光弼及袁晁戰於衢州敗之廣德元年三月丁未

李光弼及袁晁戰敗之二年七月己酉李光弼薨十一月癸丑袁晁伏誅以此而校本傳則頗不相應未知何者爲是

程知節爲蔥山道總管與紀不同

程知節傳云歷瀘州都督左領軍大將軍顯慶二年授蔥山道行軍大總管以討賀魯

今案本紀永徽六年五月癸未左屯衛大將軍程知節爲蔥山道行軍大總管以伐賀魯顯慶元年八月辛丑程知節及賀魯部歌邏祿處月戰於榆慕谷敗

新唐書糾謬卷九

八知不足齋叢書

之九月癸未程知節及賀魯戰於怛篤城敗之二年閏正月庚戌右屯衛將軍蘇定方爲伊麗道行軍總管以伐賀魯十二月丁巳蘇定方敗賀魯於金牙山執之然則程知節之討賀魯乃永徽六年也其顯慶二年自命蘇定方出討而是年執之矣今乃云知節顯慶二年爲蔥山道大總管以討賀魯者悞也且又傳云左領軍大將軍而紀云左屯衛大將軍亦必有

悞者

桓彥範傳中宗復位之與紀不同

桓彥範傳略云神龍元年正月彥範敬暉率羽林兵討賊明日中宗復位

今案武后紀長安五年

即神龍元年也

正月癸卯張柬之崔

玄暉敬暉桓彥範等率兵討亂張易之昌宗等伏誅

丙午皇帝復於位又中宗紀云神龍元年正月張柬

之等以羽林兵討亂甲辰皇太子監國大赦改元丙

午復於位由此觀之則討賊後三日中宗乃復位非

討賊之明日彥範傳悞矣

大昕案討賊之明日皇太子監國改元即可云復位

矣非甚誤

新唐書糾謬卷九

九知不足齋叢書

宰相世系表蘇瓌字與傳不同

宰相世系表云蘇瓌字廷碩

今案本傳云瓌字昌容子頊字廷碩世系表必悞也

崔龜從傳其官與本紀不同

崔龜從傳云歷戶部侍郎大中四年以中書侍郎同中

書門下平章事再歲罷

今案宣宗紀大中四年六月戊申戶部尚書判度支

崔龜從同中書門下平章事五年十一月崔龜從罷

又宰相年表云大中四年六月戊申戶部侍郎判度

支崔龜從守戶部尙書同中書門下平章事判如故  
八月庚戌罷判五年四月乙卯龜從爲中書侍郎兼  
吏部尙書十一月庚寅龜從檢校吏部尙書同平章  
事宣武節度使由此言之本紀及傳所書皆甚略唯  
年表爲詳備至於自四年六月而至五年十一月遂  
以爲再歲若以杜元穎傳例言之止可謂之逾年也

郭正一傳爲相之年并其事與紀志不同

郭正一傳云永隆中遷祕書少監檢校中書侍郎詔與  
郭待舉岑長倩魏玄同竝同中書門下承受進止平章  
事平章事自正一等始永淳中眞遷中書侍郎

新唐書糾謬卷九

士知不足齋叢書

今案高宗本紀永淳元年四月丁亥黃門侍郎郭待  
舉兵部侍郎岑長倩祕書員外少監郭正一吏部侍  
郎魏玄同與中書門下同承受進止平章事宰相表  
亦然卽非永隆中此其一也又案百官志云貞觀八  
年僕射李靖以疾辭位詔疾小瘳三兩日一至中書  
門下平章事而平章事之名蓋起於此永淳元年以  
黃門侍郎郭待舉兵部侍郎岑長倩等同中書門下  
平章事平章事入銜目待舉等始然則是平章事之

名實始於貞觀八年以命李靖至永淳元年乃始入  
銜爾今正十傳遂以爲同平章事始於正一等則悞  
矣此其二也

流敬暉處紀表與傳不同

中宗紀云神龍二年七月流敬暉於嘉州宰相表亦同  
今案暉本傳乃流瓊州疑稱嘉州者悞

杜元穎爲相至罷紀傳各不同

杜元穎傳云自帝卽位不閱歲至宰相縉紳駭異

今案本紀穆宗以元和十五年閏正月丙午卽帝位

新唐書糾謬卷九

十二知不足齋叢書

至次年長慶元年二月壬午元穎以翰林學士戶部  
侍郎爲相止踰年矣闕之言歷也更也

又云甫再募出爲劍南西川節度使同平章事

今案本紀元穎以長慶三年十月罷相則是已逾二  
年矣非甫再募也

孫處約爲相其官名紀傳不同

孫處約傳云麟德元年以西臺侍郎同東西臺三品

今案高宗本紀麟德元年十二月太子右中護樂彥  
瑋西臺侍郎孫處約同知軍國政事又宰相表云十

二月戊子太子右中護樂彥璋檢校西臺侍郎西臺侍郎孫處約竝同知軍國政事尋同東西臺三品然則紀傳所書各有未完而表始爲詳備矣

岑義命相之官紀傳不同

岑義傳略云進吏部侍郎中宗崩詔擢右散騎常侍同中書門下三品睿宗立罷

今案睿宗紀景雲元年六月壬午韋皇后殺中宗以刑部尙書裴談工部尙書張錫同中書門下三品吏部尙書張嘉福中書侍郎岑義吏部侍郎崔湜同中

新唐書糾謬卷九

士知不足齋叢書

書門下平章事宰相表亦同殊不言以右常侍爲同三品也

李吉甫傳星變紀志不載

李吉甫傳云前卒一歲熒惑掩太微上相吉甫曰天且殺我

今案吉甫以憲宗元和九年十月薨而本紀自八年至九年竝無此熒惑之變獨天文志有八年十月己丑熒惑犯太微西上將而已若非悞書相爲將以致異同卽是脫漏不載也若以爲例不書則九年十月

太白晝見亦書於紀例與此同亦當書也

乾符五年五月風雹事紀志有不同

五行志第二十六卷乾符六年五月丁酉宣授宰臣豆盧瑑崔沆制殿庭氛霧四塞及百官班賀於政事堂雨雹如鳥卵大風雷雨拔木

今案僖宗紀乾符五年五月丁酉翰林學士承旨戶

部侍郎豆盧瑑爲兵部侍郎吏部侍郎崔沆爲戶部侍郎同中書門下平章事是日雷雨大風拔木宰相表亦同又五行志第二十五卷常山門云乾符五年

新唐書糾謬卷九

三知不足齋叢書

五月丁酉大風拔木又崔沆傳云乾符五年以戶部侍郎同中書門下平章事斯且告麻大霧塞庭中百僚就班脩慶大風雨雹時謂不祥又豆盧瑑傳云歷翰林學士不言承旨戶部侍郎與崔沆皆拜同中書門下平章事是日宣告於庭大風雷雨拔木然則本紀表傳及五行志第二十五卷皆以爲乾符五年五月丁酉獨五行志第二十六卷以爲六年則悞也

垂拱二年新豐慶山事紀志不同

武后紀垂拱二年十月己巳有山出於新豐縣改新豐

爲慶山

合案五行志云垂拱二年九月己巳雍州新豐縣臺鄉大風雨震電有山湧出紀以爲十月己巳而卒以爲九月己巳二者必有一悞

侯君集傳岑文本官不同

侯君集傳云君集平高昌還爲有司所劾詔詣獄簿對中書郎岑文本諫

合案本紀貞觀十三年十二月侯君集伐高昌十四年八月克之十二月丁酉俘高昌王以獻十六年正

新唐書糾謬卷九

十四知不足齋叢書

月辛未中書舍人岑文本爲中書侍郎專典機密事是當十四年十二月文本未爲中書侍郎也而宰相表又云十六年正月辛未中書舍人兼侍郎岑文本爲中書侍郎專典機密然則君集傳所書者止書其兼官歟不書正官而書兼官亦恐非史法也至於本紀止書正官而不著兼官若非脫漏似亦未允也

褚遂良貶官紀傳不同

褚遂良傳云武氏立乃左遷遂良潭州都督

今案高宗紀永徽六年九月庚午貶褚遂良爲潭州

都督十月乙卯立宸妃武氏爲皇后宰相表載貶送  
良事亦同然則傳所云悞也

柳璨官本紀與表傳不同

宗紀天祐元年正月翰林學士右拾遺柳璨爲左諫  
大夫同中書門下平章事

今案璨傳及宰相表皆左拾遺非右也未知孰是

畢王璋子韶世系未明

室列傳畢王璋生二子曰韶曰孝基韶死隋世武德  
時追封東平王生子道宗

新唐書糾謬卷九

五知不足齋叢書

今案宗室世系表畢王房止有子孝基及失名者二  
人無東平王韶而東平王韶自是雍王房雍王繪之  
子其世次甚明與傳全不同未知孰是

搖山玉彩字

孝敬皇帝傳云擿采古今文章號搖山玉彩凡五百篇  
又裴光庭傳云撰搖山往則維城前軌二篇獻之

今案藝文志云裴光庭搖山往則一卷又云搖山玉  
彩五百卷其搖字在傳則皆從木而藝文志皆從手

未知孰是

大昕案今本孝  
敬皇帝傳作搖

元結猗玕子

藝文志小說家類有元結猗玕子一卷

今案元結傳云入猗玕洞始稱猗玕子琦玕字皆從

玉此乃從犬未知孰是

大昕案今本唐書玕亦從犬  
又朱校本云家本傳作猗玕

子止玕字  
從玉耳

員俶年齒差悞

季泌傳開元十六年悉召能言佛道孔子者相答難禁

中有員俶者九歲升坐詞辯注射坐人皆屈

今案藝文志儒家類中有員俶太玄幽贊十卷三云

新唐書新傳卷九

夫知不足齋叢書

開元四年京兆府童子進書召試及第授散官文學

直弘文館且季泌傳謂俶開元十六年而年九歲則

是俶生於開元八年也既俶以八年始生何緣四年

已有進書乎若以四年能進書者為是則至十六年

之時俶不啻九歲矣此二說者必有一悞也

蕭穎士

文藝傳蕭穎士

今案新史中皆作穎惟藝文志第五十內作穎未知

孰是

李素立世系不同

李素立傳云曾祖義深父政藻爲隋水部郎

今案宰相世系表政藻乃素立之伯父爲宜州長史  
政期乃素立之父爲水部郎中與傳不同未知孰是  
又案隋朝諱忠凡郎中皆無  
中字今此本有之亦恐誤也

崔沔傳

崔沔傳云後周隴州刺史士約四世孫

今案宰相世系表則竝無隴州刺史士約而沔乃後  
周大將軍說之四世孫也說之父名楷兄名士元士

新唐書糾謬卷九

士知不足齋叢書

謙與傳全不同

王方慶傳與表不同

王方慶傳云父弘直終荆王友

今案宰相世系表云弘直魏州刺史諡曰孝與傳不  
同未知孰是

睿祖名紀傳不同

本紀云天授元年九月追尊四代祖平王少子武曰  
睿祖康皇帝

今案后妃傳云尊武王爲康皇帝號睿祖二說不同

朱知孰是

大昕案當從本紀

### 崔行功祖表傳不同

崔行功傳云祖謙之仕北齊終鉅鹿太守

今案宰相世系表行功曾祖名伯謙字士遜而無名謙之表與傳不同未知孰是

### 德宗紀與李懷光傳不合

德宗紀云興元元年二月李懷光將孟庭保以兵來追左衛大將軍侯仲莊敗之於驛店

今案李懷光傳云懷光遣將孟廷寶等輕騎趨南山

新唐書糾謬卷九

六知不足齋叢書

廷寶等率輕騎趨南山廷寶等引而東縱卒大掠而百官遂入駱谷追帝不及還白懷光懷光怒悉罷其兵卽不言有驛店之戰且其名乃是廷寶非庭保未知孰是

### 李揆世次表傳不同

李揆傳云祖玄道爲文學館學士父成裕祕書監

今案宰相世系表則玄道生正基正基生寬寬生成裕成裕生揆玄道於揆爲高祖與傳不同未知孰是

袁滋子均等

袁滋傳末云子均右拾遺郊翰林學士

今案宰相世系表滋五子均太子典膳郎都字之美  
右拾遺郊字之乾虢州刺史與傳不同又藝文志注  
云郊字之儀滋子也昭宗翰林學士亦與表傳不同  
未知孰是

崔祐甫立後

崔植傳云植卽祐甫弟廬江令嬰甫子也傳內又以植  
爲嬰甫次子祐甫命以主祀

今案宰相世系表則嬰甫乃祐甫之再從弟而嬰甫

新唐書糾謬卷九

五知不足齋叢書

止有植一子其說與傳不同以意考之祐甫身爲名  
相其豕號素守禮法必不取人之長子爲嗣傳之所  
言宐得其實而表似脫悞矣

竇懷貞官名與紀不同

睿宗紀書竇懷貞官皆爲左御史臺大夫

今案本傳止云左御史大夫無臺字未知孰是

蘇味道拜官紀傳不同

蘇味道傳延載中以鳳閣舍人檢校侍郎同鳳閣鸞臺

平章事歲餘爲眞

今案本紀延載元年三月甲申鳳閣舍人蘇味道爲  
鳳閣侍郎同鳳閣鸞臺平章事殊不言其檢校若以  
是年杜景公允元例言之則皆當書此蓋闕文也

韋巨源傳州名與紀不同

韋巨源傳云坐李昭德累貶麟州刺史

今案本紀天冊萬歲元年正月戊子貶韋巨源鄜州  
刺史紀傳不同推究其實則紀是而傳悞何以言之  
案地理志云麟州開元十二年析勝州之連谷銀城  
置且天冊萬歲元年歲在乙未而開元十二年歲在  
甲子相距三十年是時旣未有麟州則巨源何由貶  
爲刺史乎以此知其實鄜字而悞爲麟也

李進賢被逐紀傳不同

憲宗紀元和八年十二月庚寅振武將楊遵憲反逐其  
節度使李進賢

今案嚴綬傳末云進賢討回鶻吏廩糧不實次鳴沙  
焚殺其將楊遵憲而還進賢大怒衆懼攻進賢奔靖  
邊軍與紀所書不同

蕭至忠父引官誤

蕭至忠傳云陳吏部郎引子也

今案宰相世系表引爲陳吏部侍郎又案南史引歷官金部庫部中書黃門吏部侍郎則是新書傳之悞也

蘇瓌蘇震世次不同

宰相世系表蘇瓌七世孫震爲河南尹

今案瓌傳瓌之子詵詵之子震當祿山亂時奔靈武代宗時爲河南尹而卒且瓌爲相在睿宗時至代宗時不過六十餘年耳則震不當便爲七世孫也由此

新唐書糾謬卷九

子知不足齋叢書

言之世系表必有悞處況本傳以震爲詵之子而表乃以爲虔之子此大差互其悞必矣又瓌傳末云文宗大和中錄舊德官其四代孫翔而世系表不載翔之名字此可見表之脫略又況震傳所述皆肅宗代宗時事而世系表乃以爲七世孫今翔當文宗時得官而止是四世孫文宗去睿宗九更年遠其世次尙止四世卽震之非七世亦明甚矣

韓休父兄

韓休傳云父大智其兄大敏

今案宰相韓氏世系表則大敏乃大智之弟

劉瞻入相

劉瞻傳云為翰林學士拜中書舍人進承旨出為河東節度使咸通十一年以中書侍郎同中書門下平章事同昌公主薨懿宗捕太醫韓宗紹等送詔獄瞻上疏固爭帝大怒即日賜罷以檢校刑部尚書同平章事為荆南節度使

今案懿宗紀咸通十年六月翰林學士承旨戶部侍郎劉瞻同中書門下平章事十一年八月殺醫待詔

新唐書糾謬卷九

至知不足齋叢書

韓宗紹九月丙辰劉瞻罷又宰相表瞻自承旨為才

與紀同又云十年九月瞻為中書侍郎十一年正月

兼刑部尚書九月丙辰罷為檢校刑部尚書同平章

事荆南節度使以上竝無為河東節度使一節又無

咸通十一年為中書相一節未知孰是大斯案瞻之入相紀表皆

在咸通十年而本傳作十一年此傳之誤也傳稱劉

璩執政薦為翰林學士拜中書舍人進承旨出為河

東節度使考璩之執政在大中十二年戊寅至咸通

十年己丑中隔十二載矣瞻由承旨出鎮河東復召

還為承旨戶部侍郎而後入相此理之所宜有者傳

失載召還復為承旨一節未免疏略吳氏因疑瞻無

失更甚矣

修搖山五彩人不同

孝敬皇帝傳云命賓客許敬宗右庶子許圜師中書侍郎上官儀中書舍人楊思儉卽文思殿樞采古今文章號搖山五彩

今案藝文志搖山五彩注云孝敬皇帝命太子少師許敬宗司儀郎孟利貞崇賢館學士郭瑜顧胤右史董思恭等撰其姓名惟許敬宗同外皆與傳不同未知孰是

蕭俛爲僕射表傳不同

新唐書高謬卷九

三知不足齋叢書

蕭俛傳云罷爲尙書左僕射

今案宰相表云罷爲右僕射

鄧康王徙封紀傳不同

鄧康王元裕傳云貞觀五年始王鄒十一年徙王鄧始王及徙皆與譙魏許密四王同封

今案本紀貞觀五年二月己酉封弟元裕爲鄒王元名譙王靈夔魏王元祥許王元曉密王卽此鄧康王傳所書其始封者皆是也至貞觀十一年則不然止書正月丁亥徙封元裕鄧王元名舒王至六月己巳

又書徙封元祥江王而已其靈饗元曉本紀皆不載

其徙封大昕案本傳題密貞王元曉似無徙封之事疑其徙封則不同而

元裕傳悞云始封徙封皆同也靈饗又以貞觀十四年白燕王徙封魯以

本傳可見然亦未見改燕王之年○大昕案太宗紀貞觀十年正月癸丑徙封靈饗燕王吳氏章未檢及

何其跡也

兩土紀志月不同

太宗紀貞觀七年二月丁卯雨土

今案五行志乃三月丁卯未知孰是

韓王更封紀傳年不同

新唐書卷九

西知不足齋叢書

韓王元嘉傳云貞觀九年更封韓

今案本紀乃貞觀十年也

武德時地震紀志月不同

高祖紀武德二年九月乙未京師地震

今案五行志乃十月乙未未知孰是

貞觀時地震紀志日不同

太宗紀貞觀十二年正月乙未叢州地震癸卯松州地

震

今案五行志則云正月壬寅松叢二州地震未知孰

是

石然紀志月不同

貞觀十三年四月壬寅雲陽石然

五行志乃三月壬寅未知孰是

李勣等征遼東宰相表曰悞

表貞觀十八年十一月甲子世勣周爲遼東道行

大總管

今案本紀乃是十一月甲午以上文推之是月有戊

寅庚辰日則不復有甲子日蓋宰相表悞也

新唐書糾謬卷九

三知不足齋叢書

薛萬徹官及高麗城名紀傳不同

本紀貞觀二十二年正月丙午左武衛大將軍薛萬徹  
爲青丘道行軍大總管以伐高麗六月丙子薛萬徹及  
高麗戰於泊灼城敗之

今案高麗及薛萬徹傳皆云右武衛大將軍獨紀以

爲左武衛又此紀及高麗傳皆云泊灼城而萬徹傳

作泊灼城未知孰是案地理志第三十三卷下末有

載賈耽考邊州入四夷之路內有營州西北路一節

內云泊灼城又有登州東北路一節內有泊灼口以

此觀之似泊灼是也

新唐書糾謬卷第九

新唐書糾謬卷九

吳知不足齋叢書

